

versalem resurrectionem, et judicium, de quibus postea dicturi sumus, quia in tota illa parte nulla est difficultas quæ ad præsentem quæstionem spectet. Solum in illis verbis : *Ascenderunt super latitudinem terræ, et circumierunt castra Sanctorum, et civitatem dilectam*, advertendum est non intelligi, per *civitatem dilectam*, Jerusalem (ut Chiliastæ exponuerunt), sed Ecclesiam. Hæc enim est civitas vere a Deo dilecta. Quod si de aliqua privata urbe terrena illa verba essent expoundeda, potius de Roma quam de Jerosolyma intelligi deberent, quia post Christi ascensum in cœlum, multo magis est dilecta hæc civitas a Deo, quam Jerosolyma.

10. Quoniam autem tota vis hujus expositionis consistit in illis verbis, *resurrectio prima*, oportet ex contextu et circumstantiis ejus ostendere, esse sermonem de resurrectione animæ, non corporis. Potest autem hoc variis modis ostendi. Primo, quia in fine capituli ponitur universalis resurrectio corporalis omnium mortuorum. Secundo, quia post illam primam resurrectionem dicitur futura persecutio Antichristi, in qua justi occidentur, quod repugnat et statui post corporum resurrectionem, et verbis Christi, Matth. 24, ut inferius latius dicemus, agentes de judicio. Tertio, quia ibidem *mors aperte sumitur pro morte spirituali, seu damnatione, ut cum dicitur : Infernus et mors, missi sunt in stagnum ignis*, scilicet, post finale judicium, quando non homines mortui, sed corpore et animo viventes detrudentur in infernum. Ergo non sumitur ibi mors pro morte corporali, sed pro spirituali. Quid ergo mirum, quod eodem sensu prius locutus sit de resurrectione? Quartum argumentum simile confici potest ex illis verbis, *mors secunda*. Mors enim corporalis non est nisi una; ergo necessario intelligenda sunt de morte spirituali, ita ut *mors prima*, sit mors peccati; mors autem *secunda*, sit gehenna, ut exposuit Chrysostomus, hom. 25 in Apocal.; vel certe *mors prima*, dicitur gehenna, vel condemnatio solius animæ; mors autem *secunda*, sit damnatio totius hominis, corpore et animo, quæ fiet in die judicii. Ergo e contrario resurrectio prima et secunda secundum eumdem modum ac proportionem explicanda sunt. Et hinc tandem sumi potest alia conjectura, quia mors prima et secunda non intelliguntur respectu diversorum, sed respectu ejusdem; ergo eodem modo intelligenda sunt resurrectio prima et secunda; ergo non recte exponuntur de resurrec-

tione bonorum et malorum, ut Chiliastæ finixerunt. Nec etiam placet exposito Origenis, in vigesimum sextum cap. Isai., quam refert Pamphyl., in Apolog. pro Origene, qui similiter exponens resurrectionem primam et secundam de resurrectione bonorum et malorum, explicat, illam dici primam, non tempore, sed dignitate. Nam, licet hæc expositio non contineat errorem, non tamen potest contextui accommodari. Denique, ad hunc fere modum exposuerunt hunc locum Augustinus, l. 20 de Civit., fere per totum, præsentim c. 7, et hom. 17 in Apoc.; et colligitur ex S. Elig., hom. 8 in die Cœnæ Dom.; et Hippolyto, l. de Consum. mundi; et Gregor., l. 4 Moral., c. 13, et l. 18, c. 25, ubi expresse dicit, millenario numero non quantitatem, sed universitatem temporis quo regnat Ecclesia, designari; atque idem repetit l. 32, c. 12. Eodem modo sentiunt omnes expositores Catholici in Apoc., Ansel., Beda, Rupertus, Aretas, et reliqui.

SECTIO IX.

Utrum universalis resurrectio omnium hominum simul tempore futura sit.

1. In præcedenti sectione conclusimus, futuram esse universalem resurrectionem eodem die; restat inquirendum an etiam futura sit eodem tempore ac momento. In hac enim re explicanda Catholici scriptores in variis abiere sententias. Prima sententia est, prius esse suscitandos omnes justos, deinde omnes reprobos. Ita docent super 1 Thessalonicon., 4 c., Primasius, Theophil. et Oecumen., qui existimant id accepisse a Chrysostomo, qui tamen nihil aperte dicit, ut patet ex hom. 7 et 8 super 1 ad Thess.; et homilia quadam de ascensione Christi. Apertius hoc docuit Theodoretus, 1 ad Thess. 4, ubi ait, omnes justos qui fuerunt, tam in lege naturæ et veteri, quam in lege gratiæ, simul fore suscitandos, juxta illud ad Hebr. 11: *Hi omnes mortui sunt, non acceptis recompensationibus, Deo pro nobis melius aliquid prævidente, ut non sine nobis consummarentur*; omnes autem electos suscitandos esse ante reprobos. Idem tenet Cajetan., 1 ad Cor. 15. Fundari autem potest hæc sententia in verbis Pauli, 1 ad Thess. 4: *Mortui, qui in Christo sunt, resurgent primi*; et 1 Cor. 15: *In Christo omnes vivificabuntur, unusquisque autem in suo ordine, primitus Christus, deinde iei qui sunt Christi, deinde finis, ubi aperte lo-*

quitur de ordine temporis. Secundo addi possunt congruentiae. Prima, quia justi exituri sunt obviam Christo in aera, et ideo oportet ut prius resurgent quam reprobri, qui in terra expectaturi sunt. Secunda, ut Deus se ostendat propensiorem ad reddendum præmium quam poenam. Tertio, ut significetur obedientia justorum, dum citius obedient voci Dei, eos ad vitam revocantis.

2. Secunda sententia constituit ordinem inter ipsos justos, qui duplice fangi potest, primo, ut prius resurgent justi, qui Christi incarnationem præcesserunt; deinde qui fuerunt in lege gratiæ; vel aliter ut prius resurgent qui antea erant mortui; deinde illi qui vivi tunc invenientur. Et hic posterior modus colligi potest ex Augustino et Anselmo dicentibus, justos, quos dies judicii vivos invenient, in corpore mortali rapiendos esse in aera, simul cum aliis Sanctis jam excitatis, et in ipso raptu esse morituros et resurrecturos. Nam ex hoc ordine aperte sequitur, prius esse suscitandos justos antea mortuos. Et ita explicant ac sequuntur Scot., in 4, d. 43, q. 5, et Durand., q. 4, et Richard., a. 5, q. 1, qui fundantur in illis verbis Pauli: *Et mortui, qui in Christo sunt, resurgent primi; deinde nos, qui vivimus, simul rapiemur cum eis obviam Christo in aera.* Sed in superioribus rejicimus hanc sententiam, et locum Pauli aliter exposuimus.

3. Tertia sententia est, omnes homines electos ac reprobos simul eodemque momento esse suscitandos. Hæc est communior Theologorum in 4, d. 43, ubi D. Thomas eam indicat, q. 1, a. 3, q. 3, præsentim in solutionibus argumentorum, ubi ad 3 dicit, sicut effectus sacramenti fit in ultimo instanti prolationis formæ, ita generalem resurrectionem futuram esse in ultimo instanti, in quo consummabitur vox seu sonus tubæ. Idem problematice Richardus, a. 5, q. 4; absolute Paludan., Sotus, et alii. Et ex Patribus inclinat in hanc sententiam Gennad., l. de Eccl. Dogmatibus, c. 6: *Erit (inquit) resurrectio mortuorum omnium hominum, sed una insimul, et semel; non prima justorum, et secunda peccatorum.* Hippolytus Martyr, lib. de Consumptione mundi, non longe a fine; et Method., de Resurrectione.

4. Et absolute hæc opinio est probabilior. Primo quia est magis consentanea Scripturis, Joann. 5: *Nolite mirari hoc, quia venit hora in qua omnes, qui in monumentis sunt, audient vocem Filii Dei, et procedent, qui bona egerunt*

950

QUEST. LVI. ARTIC. II.

rius suscitandos, verum potius fuisse sollicitum ne aliquis putaret esse prius suscitandos, eo quod eorum mutatio et resurrectio videri poterat facilior, et ideo dixisse: *Qui residui sumus in adventu Domini, non præveniemus eos quid ormierunt.* Ex quo non sequitur hos, qui dormierunt, esse præventuros alios, sed ad summum, simul esse resurrecturos; quid autem in sequentibus verbis Paulus voluerit, statim dicemus. Tandem neque ex parte damnatorum oportet resurrectionem esse tardioram, ut patebit respondendo ad argumenta aliarum opinionum.

5. *Testimonii Pauli, 1 ad Thess. 4, prima expositio.*—Ad primum testimonium ex Paulo: *Qui in Christo sunt, resurgent primi, intelligi potest primo, illos futuros esse primos, non ordine temporis, sed excellentia dignitatis, ut Sedulius exponit.* Quæ expositio videtur difficilis D. Thomæ super Paulom, quia multi de vivis erunt probati in persecutione Antichristi, qui dignitate præcedent mulitos prius defunctos; sed hoc solvi potest, dicendo non comparari (ut sic dicam) singulos ad singulos, sed multitudinem ad multitudinem, et hoc modo priores dignitate præcedere. Nam in eis continentur Apostoli, Patriarchæ, et Prophetæ, et sanctissimi Martyres. Erit ergo juxta hanc expositionem sensus Pauli: Illi quidem, qui mortui sunt, resurgent dignitate primi; eis quodammodo magis erit debita resurrectio, eo quod diutius eam exspectarunt; nihilominus tamen reliqui simul cum eis rapiantur obviam Christo. Sed obstat vox græca πρῶτον, quæ est adverbium equivalentis temporis adverbio comparativo, et ita legunt Graci, *primum.* Obstat etiam particula, quæ sequitur, *deinde,* quæ non proprie significat ordinem dignitatis.

6. *Secunda expositio.*—Secunda expositio est, ut sit sermo de ordine temporis: ita tamen ut illi dicantur resurgere primi non positive, sed negative, id est, quod ante hos nullus resurget. Ita Ansel. Sed videtur obstat, quod hoc non est singulare illorum, sed commune omnibus. Dici potest, de illis hoc specialiter dici propter rationem supra traditam. Et ita hæc vox, *primi,* respondet superiori negationi, *non præveniemus eos.* Sed adhuc obstat quod particula quæ sequitur, *deinde,* comparationem positivam indicat.

7. *Tertia expositio* est, ut illæ duæ particulae significant successionem temporis, non inter quorundam resurrectionem, et aliorum, sed inter resurrectionem et raptum. Prius

enim resurgent, postea vero rapiantur in aera obviam Christo. Ita D. Thomas et Anselmus. Sed est difficultas in hac expositione, cur Paulus in priori membro loquatur tantum de præcedentibus hominibus jam mortuis, in posteriori vero de reliquis viventibus. Nam et utrique resurgent, et utrique rapiantur, et utrique prius resurgent quam rapiantur. Responderi potest, specialiter illis prioribus attribuisse resurrectionem, ne (ut diximus) existimarentur tardius resurrecturi, propter diurnam mortem præcedentem; raptum vero æque utrisque attribuisse, quia in eo ablata erat omnis dubitandi ratio. In hoc autem loco Apostolus nullam mentionem fecit resurrectionis damnatorum, quia solum cupiebat spem fidelium erigere, eosque consolari, ut patet ex illis verbis: *Ut non contristemini, sicut et cæteri, qui spem non habent;* et ex illis: *Itaque consolamini invicem in verbis istis.* Et ideo ex hoc loco nullo modo colligi potest, quod justi prius excitandi sint quam damnati. Nam, cum Paulus ait: *Mortui, qui in Christo sunt, resurgent primi, non comparat resurrectionem justorum ad resurrectionem damnatorum (de quibus nullam ibi mentionem fecit), sed comparat resurrectionem justorum ad eorum raptum obviam Christi in aera.*

8. *Testimonii Pauli, 1 Cor. 15, expositio.*—Ad secundum testimonium ex 1 ad Cor. 15, respondet primo, sermonem esse de ordine dignitatis, non temporis. Ita D. Thomas et Anselmus, et eadem expositio sub disjunctione ponitur in commentariis quæ Hieronymo tribuuntur. Eamdem habet Tertullianus, de Resurrectione carnis, c. 48, iis verbis: *Unusquisque in suo ordine, scilicet, quia et in suo corpore; ordo enim non aliud quam meritorum dispositor.* Merita autem cum corpori quoque ascribantur, ordo quoque corporum disponatur necesse est, qui possit esse meritorum. Secundo, si velimus exponere de ordine temporis propter verbum illud, *deinde finis* (quod sine dubio videtur intelligendum de ordine temporis), advertendum est Paulum, in toto illo capite non facere mentionem resurrectionis damnatorum, usque ad illa verba: *Eccū mysterium vobis dico, omnes quidem resurgent, sed non omnes immutabimur.* In tota enim antecedenti parte capituli, tantum de resurrectione gloria sermonem habuerat, propter erigendam fidem et spem fidelium, et ideo, ne videretur aliam excludere, et ut fit morem simul cum spe conjungeret, dixit:

*Ecce mysterium vobis dico. Hinc ergo colligo, cum in superioribus verbis dicit: Unusquisque in suo ordine, non agere de ordine justorum et damnatorum, de quibus neque ibi, neque in priori parte capituli mentionem fecerat. Comparat ergo particularem resurrectionem Christi, sub qua comprehendit eos qui ex speciali privilegio, vel cum Christo, vel propter singularem cum Christo conjunctionem, jam antea surrexerant, comparat (inquit) cum generali justorum resurrectione, et hoc est quod dicit, *primitiæ Christus,* deinde hi, qui sunt Christi, quos specialiter nominat in hoc secundo ordine, non quia damnati non sint in eodem tempore resurrecti, sed quia tunc tantum agebat de resurrectione gloriosa. Quod satis explicuit inferius, dicens, ibi latere mysterium, quia ad sonitum ejusdem vocis multi alii simul resurgent, qui ad statum glorie non immutabuntur. Quod ergo addit Paulus, *deinde finis,* non significat (ut multi expoununt): Deinde erit universalis resurrectione aliorum; quia neque verba id significant, neque ex adjunctis talis sensus colligi potest. Est ergo sensus: Deinde sequetur finale iudicium; quo fieri ut et regnum justorum tradatur Deo et Patri, et omnes Christi inimici subdantur sub pedibus ejus, ut in sequentibus subiungit. Juxta quam expositionem (quæ mihi maxime litteralis videtur) solum colligitur ex illis verbis, *deinde finis,* resurrectionem universalem, tam honorum quam malorum, esse futuram ante mundi finem, et propter illum.*

9. Ad primam conjecturam respondet, non oportere ut resurrectione justorum præcedat resurrectionem malorum, eo quod justi ascensuri sint in aera obviam Christo. Quia nihil est incommodi quod iniqui expectent, illo tempore in terra adventum judicis, præsertim cum totum illud tempus satis breve futurum sit. Ad secundum dicitur, tunc non futurum tempus misericordiae exercenda, sed rigoris, judicii et justitiae, et ideo ex hoc capite potius expediat ut opera justitiae distributivæ et commutativæ simul impleri incipiatur. Ad tertium dico, iniquos homines non resurrecturos ut iniquos, sed ut homines, et ut effectus divinæ omnipotentie, ideoque non expedire ut tardius obedientiæ Dei, quam justi; unde ex hoc etiam capite potius expediat ut simul resurgent.

3. *Universalis mortuorum resurrectio matutino tempore futura.*—Alter dicendi modus est verisimilior, resurrectionem universalem futuram hora matutina, quo tempore Christus resurrexit. Hanc sententiam sequuntur communiter Theologi, in 4, dist. 43; D. Tho-

SECTIO X.

An universalis resurrectio nocturno vel diurno tempore futura sit.

mas, Bonavent., Richard., Durand., Paludan., Capreol., et Antonin., 4 par., tit. 14, c. 11, § 4. Et eamdem tradit Anselm., in Elucidario, ubi dicit, resurrecturos nos qua hora Christus resurrexit. Et hoc est potissimum fundamen- tum hujus sententiæ, quia, cum Christus sit exemplar nostræ resurrectionis, verisimile est, eo tempore quo ipse surrexit, nos suscitan- dos esse; ipse autem surrexit summo dilu- culo, ut supra ostendimus; ergo et nos simili tempore resurgemus. Unde concludit Ansel- mus, resurrectionem nostram futuram in die Paschatis. Quod prius dixerat Lactantius; et significavit Macarius, hom. 5 et 12, dicens nostram resurrectionem futuram tempore Aprilis, quando omnia florere incipiunt. Ac- cedit, tempus lucis esse magis commodum, tum ad judicium quod statim post resurrec- tionem sequetur; tum etiam ut omnes homi- nes possint naturali modo et sine miraculis se mutuo videre, atque ut opus resurrectionis illustrius fiat. Item quodammodo pertinet ad bonorum gloriam, ut tempore lucis resurgent. Nam, licet interna eorum claritas eis ad beatitudinem sufficiat, sicut fulgor etiam advenientis Christi satis esse posset ut resurrectio- nis gloria ab omnibus conspiceretur, ut dixit Ambrosius, lib. 8 in Lucam, tamen etiam oportet ut extrinseca temporis et loci circum- stantia sit eorum gloriæ proportionata, quæ tamen simul cedet in majorem reproborum pœnam. Erit enim illis tanto major ignominia et pudor, quanto eorum sit magis misera conditio, et corporum deformitas major.

4. Denique, dum Scriptura noctis men- tionem facit, cum loquitur de ultima resurrec- tione, non significat illam futuram in nocte; sed ita loquitur, ut ostendat eo tempore quo erunt homines securiores, magisque obli- eventus talis diei, tunc mundi consummatio- nem futuram, ut notarunt Augustinus, citato loco; Theophyl., Anselmus, Matth. 25; satis- que significavit Paulus, 1 ad Thess. 5, dicens: *Dies Domini, sicut fur in nocte, ita veniet.* Cum enim dixerint: *Pax et securitas, tunc repen- tinus eis superveniet interitus.* Ubi etiam est considerandum, in his locis, in quibus noctis mentio fit, non esse sermonem de hora resurrec- tione, sed magis de hora mortis. Unde fieri poterit ut in ultima judicij die signa ali- qua terribilia intempera nocte incipiant, qui- bus fiet ut, si qui homines residui fuerint, vel subito vel paulatim moriantur; et tunc for- tasse ad litteram verificabitur quod Christus dixit: *Erunt duo in lecto uno, et unus assu-*

metur, id est, salvabitur; et alter relinquetur, id est, condemnabitur. Nihilominus tamen re- surrectio differri poterit usque ad ortum diei, nam reliquum temporis nocturni, vel ad tor- quendos peccatores, vel ad purgandas justo- rum animas, esse poterit opportunum. Sed de hac re illa Christi sententia præ oculis habenda est: *Vos estote parati, quia, qua hora non putatis, Filius hominis veniet,* Mat. 24, Luc. 12. De qua in ultima hujus operis parte iterum redibit sermo. Hæc igitur de resurrec- tione sint satis.

QUÆSTIO LVII.

DE ASCENSIONE CHRISTI, IN SEX ARTICULOS DI- VISA.

Deinde considerandum est de ascensione Christi. Et circa hoc quæruntur sex.

Primo, utrum fuerit conveniens Christum as- cendere.

Secundo, secundum quam naturam conve- niat sibi ascendere.

Tertio, utrum propria virtute ascenderit.

Quarto, utrum ascenderit super omnes caelos corporeos.

Quinto, utrum ascenderit super omnes spiri- tuales creaturas.

Sexto, de effectu ascensionis.

ARTICULUS I.

Utrum fuerit conveniens Christum ascendere.

1. *Ad primum sic proceditur. Videtur quod non fuerit conveniens Christum ascendere. Di- cit enim Philos., in 2 de Cœlo, quod illa, quæ optimo modo se habent, possident suum bonum sine motu. Sed Christus optime se habuit, quia et secundum divinam naturam est summum bonum, et secundum humanam naturam est summe glorificatus; ergo suum bonum habet sine motu; sed ascensio est quidam motus; ergo non fuit conveniens quod Christus ascen- deret.*

2. *Præterea, omne, quod movetur, movetur propter aliquid melius; sed Christo non fuit melius esse in cœlo quam in terra; nihil enim accredit sibi per hoc quod fuit in cœlo, neque quantum ad animam, neque quantum ad cor- pus; ergo videtur quod non debuerit Christus in cœlo ascendere.*

3. *Præterea, Filius Dei humanam naturam assumpsit ad nostram salutem; sed magis*

QUÆST. LVII. ARTIC. I.

fuisse salutare hominibus quod semper conve- saretur nobiscum in terris; unde ipse dixit discipulis suis, Luc. 17: Venient dies quando desiderabis videre unum diem Filii hominis, semper adest fidelibus, secundum quod ipse di- cit Mat. ult.: Ecce ego vobiscum sum omnibus diebus usque ad consummationem saeculi. Qui

enim ascendit in cœlos, non deserit adoptatos, ut Leo Papa dicit. Sed ipsa Christi ascensio in cœlum, qua corporalem suam præsentiam nobis subtraxit, magis fuit utilis nobis quam præsentia corporalis fuisset. Primo quidem propter fidei augmentum, que est de non visis. Unde ipse Dominus dicit discipulis suis, Joann. 19, quod Spiritus Sanctus adveniens arguet mundum de justitia, scilicet eorum qui credunt, ut Augustinus dicit super Joannem, tr. 93: Ipsa quippe fidelium comparatio, infide- lium est vituperatio. Unde subdit: Quia ad Pa- trem vado, et jam non videbitis me; beati enim qui non vident, et credunt. Erit igitur vestra justitia de qua mundus arguetur; quoniam in me, quem non videbitis, creditis.

Sed contra est quod Dominus dicit, Joan. 20: Ascendo ad Patrem meum, et Patrem vestrum.

Respondeo dicendum, quod locus debet esse proportionatus locato; Christus autem post resurrectionem vitam immortalem et incorrup- tibilem inchoavit; locus autem, in quo nos habitamus, est locus generationis et corruptio- nis; sed locus cœlestis est locus incorruptionis; et ideo non fuit conveniens quod Christus post resurrectionem remaneret in terris; sed conve- niens fuit quod ascenderit in cœlum.

Ad primum ergo dicendum, quod illud, optime se habens, quod sine motu possidet suum bonum, est ipse Deus; quia est omnino immutabilis, secundum illud Malach. 3: Ego Dominus, et non mutor. Quælibet autem crea- tura est mutabilis aliquo modo, ut patet per Au- gustinum, 8 sup. Gen. ad lit., c. 14, et quia na- tura assumpta a Filio Dei remansit creature, ut patet ex iis quæ supra dicta sunt, non est inconveniens quod aliquis ei motus attribuatur.

Ad secundum dicendum quod, per hoc quod Christus ascendit in cœlum, nihil ei accredit, quantum ad ea quæ sunt de essentia gloriæ, sive secundum corpus, sive secundum animam; tamen accredit ei aliquid quantum ad loci decentiam, quod est ad bene esse gloriæ. Non quod corpus ejus aliquid aut perfectionis aut conservationis acquireret ex corpore cœlesti, sed solummodo propter quamdam decentiam; hoc autem aliquo modo pertinebat ad ejus glo- riam. Et de hac decentia gaudium quoddam habuit, non quidem quod tunc de hoc gaudere inciperet, quando in cœlum ascendit, sed quia novo modo de hoc gavisus est, sicut de re im- pleta. Unde super illud Psalm. 15: Delecta- tiones in dextera tua usque in finem, dicit Glossa¹: Delectatio et latitia erit mihi in con- sessu tuo, humanis obtutibus subtracto.

¹ Glos. ord.

Ad tertium dicendum, quod, licet præsentia corporalis Christi fuerit subtracta fidelibus per ascensionem, præsentia tamen divinitatis ipsius semper adest fidelibus, secundum quod ipse di- cit Mat. ult.: Ecce ego vobiscum sum omnibus diebus usque ad consummationem saeculi. Qui

enim ascendit in cœlos, non deserit adoptatos,

ut Leo Papa dicit. Sed ipsa Christi ascensio

in cœlum, qua corporalem suam præsentiam

nobis subtraxit, magis fuit utilis nobis quam

præsentia corporalis fuisset. Primo quidem

propter fidei augmentum, que est de non visis.

Unde ipse Dominus dicit discipulis suis,

Joann. 19, quod Spiritus Sanctus adveniens

arguet mundum de justitia, scilicet eorum qui

credunt, ut Augustinus dicit super Joannem,

tr. 93: Ipsa quippe fidelium comparatio, infide- lium est vituperatio. Unde subdit: Quia ad Pa- trem vado, et jam non videbitis me; beati enim

qui non vident, et credunt. Erit igitur vestra

justitia de qua mundus arguetur; quoniam in

me, quem non videbitis, creditis.

Secundo, ad spei sublevationem. Unde ipse

dicit, Joann. 14: Si abierto, et præparavero

vobis locum, iterum veniam, et accipiam vos

ad me ipsum, ut ubi ego sum, et vos sitis. Per

hoc enim quod Christus humanam naturam as- sumptam in cœlo collocavit, dedit nobis spem

illuc perveniendi; quia ubi fuerit corpus, illuc

congregabuntur et aquilæ, ut dicitur Matth.

24. Unde Mich. 2 dicitur: Ascendit pandens

iter ante eos.

Tertio, ad erigendum charitatis affectum in

cœlestia. Unde dicit Apostolus, ad Coloss. 3:

Quæ sursum sunt querite, ubi Christus est in

dextera Dei sedens. Quæ sursum sunt sapite,

non quæ super terram. Ut enim dicit Matt. 6,

ubi est thesaurus tuus, ibi est et cor tuum. Et

quia Spiritus Sanctus est amor, nos in cœles-

tia rapiens, ideo Dominus dicit discipulis

Joann. 16: Expedit vobis ut ego vadam; si

enim non abierto, Paracletus non veniet ad vos.

Quod exponens Augustinus, super Joann. di-

cit: Non potestis capere Christum, quamdiu

secundum carnem persistitis nosse Christum.

Christo autem discedente corporaliter, non so-

lum Spiritus Sanctus, sed et Pater, et Filius

illis affuit spiritualiter.

Ad quartum dicendum quod, licet Christo

resurgentem in vitam immortalem congrueret lo-

cus cœlestis, tamen ascensionem distulit, ut

veritas resurrectionis comprobaretur. Unde

dicitur Act. 1, quod post passionem suam præ-

buit seipsum vivum discipulis in multis argu-

mentis, per dies quadraginta. Ubi dicit quæ-